

4
PARAENESIS AMORIS
EPITHALAMIUM

FRANCISCI SACCI RHEGYNI

IN NUPTIAS

D. THADDAEI BARBERINI.

ET

D. ANNAE COLUMNAE.

AD

D. IOANNEM COLUMNAM.



ROMAE, Apud Iacobum Mascardum. MDCXXVII.

8 SUPERIORVM PERMISSV.

Illustrissimo, & Excellentissimo

FVLVIO CORNEO

MARCHIONI.

Claudius Contulus, S. P.



*Itto ad te, Fului Prin-
ceps, Trasymenum,
Nuptiarum tuarum
Valem. meum, an tu-
um? tuum potius. nam
amor in me tuus in-
ben do illum genuit; obseruantia in te mea
parendo peperit. Vinam, Trasymenus
hic fictus Deus, in amoenus quidem, sed cor-
datus Augur, qua tibi nunc, auspicando,
ex animo canit: ea, verus Deorum Deus,
tibi, Leonora uxori Principi, posterisque
tuis, ex voto, fausto et felici exitu conclu-
dat. Vale et me amplissima familia tua
veterem clientem fove. Perusia VIII.
Kal. Aprilis. CIO IO C X.*



Xcipient, Frigus fugientem Piscis aquosi
Dorso Arias Phœbum lavatâ pelle fouedû;
Fœcundasque Deo spargēs de vellere gēmas;
Flore maritabat nascentem prodigus annû.

Humida cum Senior Trasymenus stagna reliquit
Ima lacus, nineo velatus pectus amictu;

Rorantesque comas, viridi circumdatus alga;

Exploraturus tacitis quæ senserat vndis,

Vera ne, sint Procerum Connubia sacra duorum:

Sub CORNV Armiſera prudens vestigia preſſit:

Qua super impendens Turris ferit ardua nubes;

CORNEA quam Proles ſpolijs oneravit, & armis:

CORNEA ſtirpe Ducum; qua non fœcundior vlla:

Stat coniuncta ſimul, Gens omnis lubrica circum,

Diuini factura ſenis mandata: ſedile

Pars ſtruit herboſum; fruſtra pars ſedula lino

Membra ſtudet ſiccare lacum ſudantia viuum.

Exercet feſtiua choros pars altera lætos;

Et nunc ſe mergit, nunc imis tollitur vndis.

Conuenere etiam Satyri, Faunique propinquis

Montibus, vt Numen ſpectent, Nymphæque puellæ;

Quæ Clanim, Cainamque bibunt, Fluuiûque Quiritum

Sanguine iam miſtum, Fluuium de ſanguine dictum:

Quiſque tulit ſecum longæuo munera Patri;

B

Floribus

Floribus infertis calathos, & lacte coactos,
Et quos lanigeros dat fructus Phyllidis Arbos.
Ille autem medius mulcosa sede verendus,
Multa reluctanti tacitus cum mente reuoluens,
Atq; animi dubius, curarum fluctuat æstu.
Cum procul auditur vento confusus, & vndis
Festinus per inane labor, strepitusque sonantum
Alarum: ignoti autores: nisi Numina fassi
Insoliti Pisces flammæ sentire nocentes,
Terga foco, medicis vndis, afflata dedissent.
Sunt ambo pueri, peperit Dea Mater utrumque
Alma Venus: fecundus Hymen, blandusque Cupido:
Huic Aethnam Phætra inclusam vomit: æmulus alter
Mitior at, dextram faculis ardentibus armat.
Nudus uterque genu, candenti in veste decorus,
Cui ludunt crocei per lactea colla capilli,
Cui variæ splendent alæ post terga nitentes.
Non secus, ac tergum blandæ solet esse columbæ,
Cum trahit innumeros aduerso Sole colores:
Miratur, stupidusque manet Trasymenus; & inde
Quò celerent plumas, pueros petit anxius ore.
Qui labor hic tantus? quæ mentem cura fatigat
Improbuli? an Matrem fugitiui linquitis ægram,
Ut misera errando cogatur quærere natos?
Et forsitan non digna pati? seque offerat ultro
Venalem, occulti sibi dum reddantur Amores?
Sed frons læta nimis, non hæc infanda minatur.
Gaudia quæ fertis? vel quæ connubia, quæso,
Sudat

Sudat vterque? Senem ne me cæletis amicum.
Risit Amor, Fratrisque manum complexus eburnam;
O Pater, o Numen, nos huc conuenimus ambo,
Matre iubente, refert, peregrinus lætus vterque
Nuntius, vt flammæ doctus lætere iugales,
Corda quibus Procerum succendimus alma duorum.
Heroum Proles, Augustæ FVLVIVS Vrbis
Splendor, quo nimium Gens CORNEA læta superbit
Principe; cuius Auos Cæsar decorauit, & auxit,
Romanoque Sacer fouit cum Patre Senatus:
Queis dedit æternos Virtus æterna triumphos:
Diues agris, armenta simul cui multa propinqui
Insultant campis, cuius te Rura coronant:
Connubio pulcræ LEONORAM iunxit honesto.
Præclaro Procerum LEONORAM sanguine ductam
Hispano, MENDOZZA Domus quam protulit alta,
Assueta Heroes semper producere magnos.
Cui pueri verrunt piscantes æquora mille,
Humida cui siccant ad Solem retia mille,
Æquo vbi Pärthenope Neptunum iure coercet:
Quam gremio Charites LEONORAM aluere beato,
Quam docuit Syren, Venerem cui contulit omnem
Nostra Parens. Quantum o superat splendore puellas,
Quas diues pulcras, Sebetus diluit vndis!
Frons speciosa nitet, sunt aurea fila capilli,
Sunt duo vitales, ridentia lumina, Soles:
Alba ligustra genæ, roseo saturata colore:
Bella labella, Rosæ: Parium sunt bracchia marmor;

Nix alpina manus : me denique pectus Amorem
Spirat, sed spirat castum me pectus Amorem.

Hæc Amor . at Senior diuo sic rettulit ore .

Clarum a stirpe Genus , claris natalibus ortum
Iunxit Honestus Hymen , tædis illustribus vna .

Hæc bona speravi , & felix modo visa dederunt .

Augurium menti : nam dum mea cæula lustrò

Attentus , nuper vicini littoris oram

Radens , à læua , scopuli de vertice duri ,

Insonuit nimium gratus mihi gurgure Turtur ,

Qui stantem sociam inuitans , quasi dicere visus ;

Dulcis Hymen , Hymenæe , Hymen , Hymenæe venito .

Quin etiam filiaque procul , collesque notavi ,

Vndique festiuas iactare ad sidera voces .

At tu , qui solitus cædas nutrire maritas ,

Pectora qui nexu stabili coniungis amantum ,

Quique tuo graui das reddis libamine noctes ,

Incipe , sanctus Hymen , mansuro hæc tollere versu ,

Vincula præstantum Heroum : te præter , honores ,

Deliciasque tuas , rixas , gratasque repulsas ,

Non est qui melius possit laudare canendo .

Incipe , nam facili semper tibi carmina cursu

Funduntur , fundisque Fauos dum carmina fundis ,

Incipe , num sentis sonus vt te inuitat aquarum ,

Non hoc ista , Pater , poscit modo carmina tempus ,

Subdit Hymen , vrgent nimium præcepta Parentis ,

Quæ absentes Nuptis nimium damnabit alumnos ,

Atque equidem cupio nostros celebrare Hymenæos .

Ocia

Ocia si quando nobis meliora dabuntur.
Nunc decet ad sponfos celeres conuertere pennas.
Hæc ridens, vultuque nitens, effatus; vterque
Ocyor & nimbis, & fulminis ocyor alis
Remigia alarum, Zephyris animata secundis
Explicat, in thalamos se libraturus amatos.
Aduocat ex templo cælata, gurgite plebem,
Cunctantique Deus penas minitatur acerbas.
Illa caput summis speculatrix fluctibus altum
Tollere vix audet, flammæ experta priores.
Attamen imperio parens, quando omnia tuta
Vidit; certatim iussis elabitur vndis.
Connubiumque sacrum, pompasque ex ordine docta,
Principis & reditum, liquidis bæccantia campis
Ingeminat festiua modis certamina miris.
Et cauda exiliens Tralymenum ad sydera tollit:
Non aliter, latata phalanx, post prælia Regem
Victorem circumstat Apum numerosa; suoque
Agglomerata Duci, nitidis circumstrepit alis,
Et castra, & cælum victrici murmure complet.
Piscibus aut ubi parta quies; pax fluctibus orta:
Gaudia rore genas testanti sparsit oborto
Grandæquus Pater; ac circum ter lumina torquens:
Incipit imburus phœbæo Numine pectus
Has, Diuus Diuo plenus diffundere voces.
Quæ ventura sacræ spirant prælagia voces.
In stygios remeate lacus, iam cedite pestes.
Ira, Furor, Rabies, nostris decedite ab oris

Exeat

Exeat Aleſto furijſ comitata nefandis ,
Anguineas impexa comas, ODIlque rebellis
Terga catenatis manibus ludibria ſagris
Verberet igniuomis , Cæli raptumque ſereno
Præcipiter ſlammis materna nocte vorandum .
Tu quoque quid ceſſas , monſtrum crudele Mægera ?
Corripe furtiuam , pacatis eripe campis ,
INVIDIAM , ac retro diuulſis crinibus actæ
Iniſce vincla gula , ſæuis innexa colubris .
Stringe reluctantem , Cocytò redde petenti :
Tartareis vt viuât non moritura ſepulcris .
Ocia iam redeant , redeant Virtutis amores ,
Alba Fides , niuei Mores , Concordia læta ,
Pax ſemper dilecta probis : licet omne pererret ,
Amoto paſtore pecus ; nec claudere cuſtos
Sediſus errantes ſtudeat præſepibus hædoſ ,
Afferet inſidias nullas prædator ouili ,
Umbratura gregem ramis iam CORNVS amicis .
Belligeraſque comas renouat dum CORNVS auitas ,
Victorique parant Lauri dum ſerta ſequaces ;
FVLVIVS adnexus LEONORAE viuât in æuum ,
Et gemini viuânt coniuncti peſtore in vno .
Sic ſcopulis muſcus , conchis ſic purpura viuît ,
Sic Mergus iunctus crocitantî viuît amata .
Hinc Genus Heroum , Magnorum hinc alta parentum ,
Progenies veniet , claro de ſemine ducta .
Acta nec adſpexit , nec talem ſerior ætas
Adſpiciet ſobolem (vetum ſi Numina cernunt)

Quæ

Quæ iaculare feras, nitida certare palestra,
Flectere equos cursu, doctas seu Palladis artes,
Seu Martis melius queat exercere labores.
Illustres Animæ, natæ melioribus annis,
Tollere in immensum certabunt Nomen Auorum;
Dum referent Matrem forma, dum pectore Patrem.
Ite leues Fauni, Satyri simul ite fugaces;
Sternite iter violis, manibus date lilia plenis,
Quo Decus Armorum, Nemorum quo Terror, anhelos
FVLVIVS ibit equo: ipse dari hunc sibi mādāt honorem:
En montes, silvasque suas, en rura reuisit,
Illustri pompa, sælici Coniuge lætus.
Vos quoque quid statis, siluestria Numina, Nymphæ?
Accelerate gradum, castis occurrite tædis
Dum noua nupta venit: ducant Charitesque, Leporesque
Interea in gyrum choreas, Risusque, Iocique.
Carpite purpureos flores, viuosque amaranthos,
Pallentes violas. Nec te, LEONORA, pudebit
Flore sinus, crinesque tuos circundare odoro.
Cingula nam gemmis variata, monilia, in aurem,
(Aure, sinuque stupente) genas nuptura pudicas,
Flammea (natiuo multum oblucente Pudore)
Coralium, Electrumque tibi, iam munera, ab imo
Vestra Thetis quæ sita mari, patriusque tulerunt
Diues ab auriferis dimissus Iberus arenis.
Nostra autem varios Nympharum rustica flores
Turba dabit, tenuis pauper turba incola ruris;
Vt tua connectas, pulcherrima NEPTVNINE,
Tempora,

Tempora, stelliferis mox innectenda coronis,
Donec Mergus aquas, litus dum puppis amabit,
In mea dum celeres labentur cœrula riui,
Aeterna nostro resonabunt littore laude,
Et MENDOZZA, tuū Dēcus, & tua, Nomina, CORNVS.
Vos, Superi, interea thalamos seruate beatos
Amborum, & vitam longum producite in æuū,
Vt videant auctos digna se prole, Parentes,
Et viuant Nati, viuo cum Patre, triumphis.
Dixerat. intonuit læuū: micat ignibus æther,
Augurium firmante Deo, qui temperat orbem.
Inde sui cupidus repetit penetrālia regni,
Quē famula insequitur promptis Gens vda lacertis.
Excipiunt Numen, diuisi in mœnia fluctus,
Dulcia laturum squamosæ gaudia Plebi.
AVGV. & in liquidas cedens euauit vndas.

Finis.